



Broj: 01-05-6/18
Donji Vakuf, 28.05.2018. godine

Na osnovu člana 2.13 Izbornog zakona Bosne i Hercegovine ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) Općinska izborna komisija Donji Vakuf, na sjednici održanoj 28.05.2018. godine, donosi

PLAN IZBORNIH AKTIVNOSTI
za Opće izbore u Bosni i Hercegovini koji će se održati u nedjelju 07. oktobra 2018. godine

I

Ovim Planom utvrđuju se izborne aktivnosti za Opće izbore u Bosni i Hercegovini, koji će se održati u nedjelju 07.10.2018. godine, a u skladu sa obavezama koje proizilaze iz Izbornog zakona Bosne i Hercegovine.

Utvrđene aktivnosti realizovat će se kako slijedi:

INFORMISANJE BIRAČA

Putem JU Centar za kulturu, informisanje i sport Donji Vakuf, RTV Bugojno i odgovarajućih postera - oglasa po svim mjesnim zajednicama, redovno informisati birače o svim aktuelnim pitanjima koja se tiču izbora

ROK: u kontinuitetu

IZRADA PLANA IZLAGANJA IZVODA IZ PRIVREMENOG BIRAČKOG SPISKA

Usvojiti Plan izlaganja Izvoda iz Centralnog biračkog spiska, te isti u skladu sa članom 18. Pravilnika o upotrebi i izradi Izvoda iz centralnog biračkog spiska ("Službeni glasnik BiH", broj 29/18), objaviti na internet stranici i Oglasnoj ploči Općine i dostaviti Centralnoj izbornoj komisiji BiH.

ROK: 01.06.2018. godine

IZLAGANJE IZVODA IZ PRIVREMENOG BIRAČKOG SPISKA

U skladu da Planom izlaganja Izvoda iz Privremenog biračkog spiska Izvode iz privremenog biračkog spiska izložiti na lokacije biračkih mjesta.

Građane putem lokalnog radija i RTV Bugojno obavijestiti o distribuciji Izvoda iz privremenih biračkih spiskova i terminu izlaganja istih.

Raseljene osobe posebnim obavještenjem obavijestiti o potrebi dolaska u Centar za birački spisak, a u cilju određivanja svoje biračke opcije.

ROK: period od 09.06.2018. godine – 09.07.2018. godine

ODREĐIVANJE BIRAČKIH MJESTA

1. Naseljena mjesta - ulice, na bazi dosadašnjih pozitivnih iskustava, dodijeliti odgovarajućem biračkom mjestu, vodeći pri tome računa da udaljenost građana iz svih naseljenih mjesta koja pripadaju odgovarajućem biračkom mjestu bude, koliko je to moguće, podjednaka.

2. Kontaktirati vlasnike lokacija biračkih mjesta i dogovoriti uslove korištenja istih.

ROK:

1. preliminarno raspoređivanje ulica na biračka mjesta – najkasnije do 02.08.2018. godine

2. određivanje biračkih mjesta - najkasnije do 03.08.2018. godine

OBJAVLJIVANJE LOKACIJA BIRAČKIH MJESTA ODREĐENIH ZA GLASANJE

Putem medija i odgovarajućih postera informisati birače, političke stranke i nevladine organizacije o biračkim mjestima određenim za glasanje navodeći kojem biračkom mjestu pripada koje naseljeno mjesto – ulica.

ROK: najkasnije do 22.09.2018. godine

IMENOVANJE ČLANOVA BIRAČKIH ODBORA

1. Blagovremeno uputiti poziv svim političkim subjektima ovjerenim za učešće na izborima (prema listi Centralne izborne komisije BiH) da prisustvuju dodjeli mjesta u biračkom odboru koja će se obaviti **najkasnije do 08.08.2018. godine**

2. Imenovanje članova biračkih odbora - **najkasnije do 07.09.2018. godine**

3. Političkim subjektima i svim imenovanim članovima biračkih odbora dostaviti rješenja o imenovanju sa naznačenim terminom za obuku

UTVRĐIVANJE PLANA OBUKE BIRAČKIH ODBORA

U skladu sa planom i programom edukacije koji donosi Centralna izborna komisija BiH, donijeti Plan obuke biračkih odbora o načinu glasanja, brojanja glasova i brojanja koverti s glasačkim listićima u kojem će biti naveden: termin, način realizovanja obuke i osobe zadužene za obuku.

ROK: najkasnije do 07.09.2018. godine

OBUKA ČLANOVA BIRAČKIH ODBORA

Obuku predsjednika i članova biračkih odbora kao i njihovih zamjenika o načinu glasanja, brojanja glasova i brojanja koverti s glasačkim listićima, izvršiti u skladu sa Planom obuke

ROK: od 08.09.2018. do 05.10.2018. godine

AKREDITIRANJE POSMATRAČA

1. Tražiti od političkih stranaka, koalicija i nezavisnih kandidata liste kandidata za posmatrače
2. izdati akreditacije posmatračima

ROK: u skladu sa odredbama Uputstva o uslovima i procedurama za akreditiranje izbornih posmatrača u Bosni i Hercegovini

PRIJEM I DISTRIBUCIJA IZBORNOG MATERIJALA

1. Prijem i skladištenje neosjetljivog izbornog materijala primljenog od Centralne izborne komisije BiH
2. Prijem i skladištenje osjetljivog izbornog materijala
3. Distribucija kompletnog izbornog materijala od OIK-e predsjednicima biračkih odbora (dan uoči izbora)

DAN IZBORA – 07.10.2018. godine

1. Provjeriti da li su sva biračka mjesta otvorena
2. Posjetiti biračka mjesta a posebno ona koja traže pomoć
3. Provjeriti kako se odvija izborni proces i poslati izvještaj Centralnoj izbornoj komisiji BiH
4. Osigurati dežurstvo u Centru za birački spisak i uredu OIK-e
5. Prijem izbornog materijala od predsjednika biračkih odbora i sumiranje rezultata

JAVNO IZLAGANJE OBJEDINJENIH IZBORNIH REZULTATA GLASANJA NA NIVOU OPĆINE

ROK: najkasnije 24 sata nakon zatvaranja biračkih mjesta

DOSTAVA REZULTATA CENTRALNOJ IZBORNOJ KOMISIJI BIH

ROK: najkasnije 24 sata nakon zatvaranja biračkih mjesta

OTPREMANJE IZBORNOG MATERIJALA CIK-i BiH

ROK: u skladu sa planom CIK BiH

ARHIVIRANJE IZBORNOG MATERIJALA

ROK: po okončanju izbornog procesa

II

Općinska izborna komisija će po provođenju izbora informisati Općinsko vijeće o: organizaciji izbora, troškovima, problemima sa kojima se susretala i prijedlozima za poboljšanje.

M.P.

Predsjednica OIK-e

Hamida Ašiš s.r.